

Mohd Amirul Kasyful Nur bin Zulkifli

From: Perpustakaan Sultanah Bahiyah
Sent: 02 Mac 2017 14:33
To: UUM - All Staff; UUMstudentgroup
Subject: PENGGUNA SETIA PERPUSTAKAAN TERIMA ANUGERAH PENGHARGAAN ANJURAN PSB



**Perpustakaan
Sultanah Bahiyah**

SULTANAH BAHYIAH LIBRARY

Universiti Utara Malaysia

02 MAC 2017 | 03 JAMADILAKHIR 1438H

**UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)**

Assalamu'alaikum wbt and Greetings,

YBhg Dato' Seri / Datin / Prof. / Assoc. Prof. / Dr. / Sir / Mdm.

**PENGGUNA SETIA PERPUSTAKAAN TERIMA ANUGERAH PENGHARGAAN
ANJURAN PSB**



Sempena Majlis Perasmian Pesta Buku UUM 2017 yang telah berlangsung di foyer Perpustakaan Sultanah Bahiyah (PSB) pada 27 Februari 2017 yang lalu, PSB turut mengambil peluang untuk meraikan serta memberi penghargaan kepada 21 pengguna setia perpustakaan serta mengiktiraf pusat pengajian yang paling aktif menggunakan perkhidmatan perpustakaan sepanjang tahun 2016.

Penganugerahan ini adalah bertujuan untuk menjalin hubungan baik di antara pengguna dengan PSB dan secara tidak langsung dapat menarik minat pengguna untuk terus menggunakan perkhidmatan dan kemudahan yang terdapat di dalam perpustakaan.

3 kategori utama yang telah dipertandingkan adalah Kategori Pengguna e-Resources Paling Aktif, Kategori Peminjam Buku Terbanyak dan Kategori Pengunjung Paling Kerap ke Perpustakaan. Penerima-penerima anugerah adalah terdiri daripada kalangan staf akademik, pelajar pasca siswazah dan juga pelajar ijazah pertama.

Bermula dari tahun 2016, PSB telah memperkenalkan kategori baharu iaitu anugerah Kategori Pusat Pengajian Paling Aktif Menggunakan Perkhidmatan Perpustakaan. Bagi kategori ini, Pusat Pengajian Pengurusan Perniagaan UUM COB telah dipilih sebagai penerima anugerah bagi 2 kategori iaitu Kategori Pengunjung Perpustakaan Terbanyak dan juga Kategori Pengguna e-Resources Paling Aktif. Manakala, bagi kategori Pengunjung Perpustakaan Terbanyak pula dianugerahkan kepada Pusat Pengajian Kerajaan UUM COLGIS.

Anugerah ini telah disampaikan oleh Prof. Dr. Noor Azizi Bin Ismail, Timbalan Naib Canselor (Penyelidikan & Inovasi), Pusat Pengurusan Penyelidikan dan Inovasi. Penerima-penerima anugerah yang dipilih akan membawa pulang hadiah berupa sijil, cenderamata dan juga wang tunai.

Dalam mendokong hasrat universiti, PSB akan terus berusaha untuk menyediakan pelbagai perkhidmatan dan kemudahan yang dapat memberi manfaat kepada setiap pengguna perpustakaan. Tahniat diucapkan kepada semua pengguna yang terlibat.

Sekian.

Disediakan oleh: Norashikin Bt Ibrahim

Gambar oleh: Mad Affrizi bin Ismail & Mohamad Fuzi bin Ismail

=====

DARIPADA:

PERPUSTAKAAN SULTANAH BAHYAH

UNIVERSITI UTARA MALAYSIA

TEL: 04-928 3627

FAX: 04-928 3613

E-MAIL: uumlib@uum.edu.my

WEBSITE: <http://www.lib.uum.edu.my>



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.